

Vrijwilligers Hoogeveen
Het Haagje 119
7902 LE Hoogeveen
t: 0528 278 855



P E R S B E R I C H T

Huus van de Taol krig het deurgeefstokkie

Regionieus Hoogeveen (het neis uut de eigen buurte) hef zoe goed ewest het deurgeefstokkie veur mènsen die hèur onbetaald inzet veur menaar deur te geven an een nei adres. Dat is de warkgroep van 't Ogeveine van het Huus van de Taol eworden, en niet allint de net benuumde taalschulte van 't Ogeveine Yvonne Biel, maor het hiele groepie dat onbetaald bezig is mit het onder de andacht bringen daorvan, 8 mènsen stark.

“Bij het aoverdragen van het wark van taalschulte is het zo daj een echte stok oppakt en daormit in dienst esteld bint”, vertelt Yvonne. De groep nèump vandage ok letterlijk de deurgeefstok aover van het Regionieus Hoogeveen.

Um an te geven dat ze het de muite weerd viendt dat het Drèents blievend onder de andacht hōlden wordt. In 't Ogeveine tuurlijk veur het Drèents van 't Ogeveine.

Daorumme schrif Yvonne Biel ok tweiwekelijks (op donderdag) een stukkie in het Drèents op de neisbladen van Regionieus Hoogeveen.

Maor de warkgroep dōt meer. Zo bint der in de ‘meertmaond, streeктаolmaond’ in wel 30 van de 39 basisschoelen in de gemiente veur elèzen in het Drèents en koomt ze ok graag in verzorgingshuzen um een middag veur te lèzen of te vertellen. Daor bint de mènsen barre bliede mit. De warkgroep wil dan noe ok graag weten van de instellings wele der belang bij hef dat ze langes koomt. Um jonge mènsen der bij te kriegen, dat is niet makkelijk. De warkgroep zet wel kaansen um dat te doen mit neie muziek in het Drèents. Kiek maor es naor Mooi Wark en Isa Zwart en zo.

De warkgroep van 't Ogeveine kan hōlpe gebruiken van ‘keurnoten’, vertegenwoordigers in een dorp of een woonwieke, en in oonze gemiente veural in de butendorpen. Een grotere warkgroep kan nog meer doen veur meer mènsen, um an het wark te gaon mit het onder de andacht bringen van het Drèents, in de muziek of op schoelen.

Het Huus van de Taol is an het wark in alle Drèentse gemienten. Ze zegt der zōlf van: *“Het Huus van de Taol is de streeктаolorganisatie die het actief en passief gebroek van de Drentse taol in de miest briede betiekenis anpidjert. De missie is kōrtweg: het stimuleren van het Drèents deur een hiele koppel activiteiten te doen. Het Huus van de Taol vindt de streeктаol slim weerdevol oet cultureel én taolkundig oogpunt. Het is een mandielig bezit waar wij met mekaar zunig op weden moet.”*

Vertaling door Albert Metselaar